
OFFERYNNAU STATUDOL
CYMRU

2020 Rhif 1648 (Cy. 346) (C. 51)

AMAETHYDDIAETH, CYMRU

**Rheoliadau Deddf Amaethyddiaeth
2020 (Cychwyn Rhif 1) (Cymru)
2020**

NODYN ESBONIADOL

(Nid yw'r nodyn hwn yn rhan o'r Rheoliadau)

Caiff y Rheoliadau hyn eu gwneud gan Weinidogion Cymru ac maent yn dwyn i rym ddarpariaethau yn Neddf Amaethyddiaeth 2020 (p. 21) (“y Ddeddf”).

Mae rheoliad 2(a) yn dwyn i rym, ar 1 Ionawr 2021, baragraffau 7 ac 8 o Ran 2 o Atodlen 5 i'r Ddeddf.

Mae rheoliad 2(b) yn dwyn i rym, ar 1 Ionawr 2021, adran 46 o'r Ddeddf i'r graddau y mae'n ymwneud â'r paragraffau hynny.

Mae paragraff 7 o Atodlen 5 yn darparu y caiff Gweinidogion Cymru wneud a chyhoeddi datganiad bod “amodau eithriadol yn y farchnad” (fel y diffinnir “exceptional market conditions” yn y paragraff hwnnw) yn bodoli sy'n cyfiawnhau rhoi ar gael bwerau a roddir gan baragraff 8 o Atodlen 5.

Mae paragraff 8 o Atodlen 5 yn darparu y caiff Gweinidogion Cymru, tra bo datganiad a wneir o dan baragraff 7 yn cael effaith, roi, neu gytuno i roi, cymorth ariannol i gynhyrchwyr amaethyddol yng Nghymru, yn ddarostyngedig i'r amodau hynny y mae Gweinidogion Cymru yn ystyried eu bod yn briodol.

OFFERYNNAU STATUDOL
CYMRU

2020 Rhif 1648 (Cy. 346) (C. 51)

AMAETHYDDIAETH, CYMRU

**Rheoliadau Deddf Amaethyddiaeth
2020 (Cychwyn Rhif 1) (Cymru)
2020**

Gwnaed

29 Rhagfyr 2020

Mae Gweinidogion Cymru, drwy arfer y pŵer a roddir gan adran 57(3)(b) o Ddeddf Amaethyddiaeth 2020(1), yn gwneud y Rheoliadau a ganlyn:

Enwi

1. Enw'r Rheoliadau hyn yw Rheoliadau Deddf Amaethyddiaeth 2020 (Cychwyn Rhif 1) (Cymru) 2020.

Y darpariaethau sy'n dod i rym ar 1 Ionawr 2021

2. Daw'r darpariaethau a ganlyn o Ddeddf Amaethyddiaeth 2020 i rym ar 1 Ionawr 2021—

- (a) paragraffau 7 ac 8 o Ran 2 o Atodlen 5 (darpariaethau sy'n ymwneud â Chymru), a
- (b) adran 46 (Cymru), i'r graddau y mae'n ymwneud â'r paragraffau hynny.

Lesley Griffiths

Gweinidog yr Amgylchedd, Ynni a Materion Gwledig,
un o Weinidogion Cymru
29 Rhagfyr 2020

(1) 2020 p. 21.